

NEWS LETTER

2014

www.fipa.gov.ba

NOVI POGONI I RADNA MJESTA U SREBRENICI



U SARAJEVU OTVOREN HOTEL RESIDENCE INN BY MARRIOTT

**PREZENTACIJA AGENCIJE FIPA NA POSLOVNOJ KONFERENCIJI NORVEŠKA
DOSTIGNUĆA U POLJOPRIVREDI /STOČARSTVU/ – KAKO IH PRIMIJENITI U
BIH“**



NEWSLETTER BR. 6

DECEMBAR 2014

SADRŽAJ

FIPA AKTIVNOSTI ≡

- » Sastanak agencija za promociju stranih investicija Kine i zemalja centralne i istočne Europe
- » Prezentacija Agencije FIPA na poslovnoj konferenciji „Norveška dostignuća u poljoprivredi /stočarstvu/ – kako ih primijeniti u BiH“

POSLOVNE VIJESTI ≡

- » Novi pogoni i radna mjesta u Srebrenici
- » Završna konferencija projekta EU podrške malim i srednjim preduzećima u BiH – EUSESBI
- » Nova Henkel Ceresit tvornica u Bileći otvara se na proljeće 2015. Godine
- » U Sarajevu otvoren hotel Residence Inn by Marriott



OTVORENA MODERNA FARMA KRAVA U TRNOPOLJU

Presijecanjem vrpce, svečano je 27. novembra 2014. godine otvoren uzgojno-seleksijski centar NRF – „Arifagić Investment“ za norveško crveno goveče u Trnopolju. Nakon ceremonije otvaranja, prisutni su imali priliku obići prostorije najmodernijeg i jedinog centra ovakve vrste na zapadnom Balkanu i jugoistočnoj Europi. Najveći centar ovakve vrste u svijetu otvoren je zahvaljujući kreditnoj liniji Ziraat Bank BH iz aprila 2012. godine u iznosu od 100 miliona KM, koji je obezbijeđen sa primarnim ciljem jačanja bh. ekonomije, podrške održivom povratku i otvaranju novih radnih mjesta.

Direktor kompanije Jusuf Arifagić, uspješni biznismen u Norveškoj, a rođeni Kozarčanin, u obraćanju prisutnima, zahvalio se svima koji su imali učešća u realizaciji projekta.

“Moj motiv za ovaj projekat bio je da u svom mjestu gdje sam rođen, napravim nešto moderno i proevropsko, da ljudima u ovoj zemlji donesem mogućnost da dobiju posao. Također, želio sam pokazati da smo mi ipak, narodi koji mogu živjeti i raditi zajedno, u čemu mislim da sam uspio. Obični čovjek iz BiH može postati uspješan u inostranstvu, a nažalost, kad se vrati u svoju zemlju, stvari mogu postati malo teže. Ipak, mislim da čovjek treba ići preko rijeke i graditi mostove”, rekao je Arifagić. Norveška ambasadorica u BiH Anne Lilloe Vibeke je izrazila zadovoljstvo zbog otvaranja centra, te naglasila koliko je poljoprivreda važna za zemlje zapadnog Balkana.

“Ekonomski razvoj i otvaranje radnih mjesta od vitalnog je značaja za napredak BiH. Poljoprivreda ima veliku ulogu u ekonomskoj i socijalnoj sferi za zemlje zapadnog Balkana, posebno zbog svog značaja bruto nacionalnom dohotku. Ova farma trenutno zapošljava 30 osoba, a u budućnosti bit će ih i više. Na farmi trenutno ima 500 krava, a u februaru ove godine počela je proizvodnja mlijeka. Ovo su temelji moderne poljoprivredne proizvodnje”, izjavila je Vibeke. Predstavnik FIPA-e je također prisustvovao ceremoniji otvaranja.

FIPA AKTIVNOSTI ≡



SASTANAK AGENCIJA ZA PROMOCIJU STRANIH INVESTICIJA KINE I ZEMALJA CENTRALNE I ISTOČNE EUROPE



PREZENTACIJA AGENCIJE FIPA NA POSLOVNOJ KONFERENCIJI „NORVEŠKA DOSTIGNUĆA U POLJOPRIVREDI /STOČARSTVU/ – KAKO IH PRIMIJENITI U BIH“ ≡



...I JOŠ FIPA AKTIVNOSTI...



SASTANAK AGENCIJA ZA PROMOCIJU STRANIH INVESTICIJA KINE I ZEMALJA CENTRALNE I ISTOČNE EUROPE



19. novembra 2014. godine u Varšavi, direktor Agencije FIPA Jelica Grujić učestvuje na 2. sastanku agencija za promociju stranih investicija Kine i zemalja centralne i istočne Europe (Contact Mechanism Meeting).

Uspostavljanje i formalizacija suradnje predstavlja implementaciju jedne od smjernica za unapređenje suradnje između Kine i zemalja centralne i istočne Europe usvojenih u Bukureštu 26. novembra 2013. godine.

Ovakav mehanizam suradnje podrazumijeva dvosmjernu razmjenu informacija i zajednički rad usmjeren na obostrano povećanje investicija i uopće unapređenju ekonomske suradnje baziranom na međusobnom poštovanju i uzajamnoj koristi.



PREZENTACIJA AGENCIJE FIPA NA POSLOVNOJ KONFERENCIJI „NORVEŠKA DOSTIGNUĆA U POLJOPRIVREDI /STOČARSTVU/ – KAKO IH PRIMIJENITI U BIH“



U Prijedoru je 28. novembra 2014. godine održana poslovna konferencija pod nazivom „Norveška dostignuća u poljoprivredi /stočarstvo/ – kako ih primijeniti u BiH“, u organizaciji Uzgojno-seleksijskog centra NRF „Arifagić investment“ iz Trnopolja.

Predstavnik Agencije FIPA Nina Pobrić održala je prezentaciju o mogućnostim ulaganja u poljoprivredno-prehrambeni sektor u BiH. Akcenat je stavljen ja komparativne prednosti BiH za strane investitore, ugovorima o slobodnoj trgovini, adekvatnim klimatskim i prirodnim uslovima za agro biznis, poreznoj politici, lokacijama i projektima za ulaganje. Konferenciji je prisustvovao i visoki predstavnik u BiH Valentin Incko, predstavnici inostranih i domaćih kompanija iz poljoprivredno-prehrambenog sektora i drugi.

Pozitivna iskustva iz Norveške u oblasti stočarstva učesnicima konferencije predstavili su rukovodioci kompanije „Geno Global“, poljoprivredne zadruge u vlasništvu svih mljekara u Norveškoj, koja postoji već 80 godina, a potom i norveške mliječne industrije „Tine Melk“ i norveške Kancelarije za veterinarstvo „Matilsinet“.

POSLOVNE VIJESTI ≡



NOVI POGONI I RADNA MJESTA U SREBRENICI



NOVA HENKEL CERESIT TVORNICA U BILEĆI OTVARA SE NA
PROLJEĆE 2015. GODINE



...I JOŠ FIPA POSLOVNIH VIJESTI...



NOVI POGONI I RADNA MJESTA U SREBRENICI

Do kraja novembra zvanično će biti otvoren proizvodni pogon kompanije Prevent u Potočarima, gdje se probna proizvodnja obavlja već nekoliko mjeseci i zaposlenje je dobilo oko 70 radnika.

U idućoj godini planirano je proširenje fabričkih kapaciteta, ali i proizvodnog programa i zapošljavanje još 40 radnika u tom kolektivu.

Osim toga, planiranom dinamikom izvode se radovi na izgradnji hale za fabriku pomfrita, za šta su investitori iz BiH i Azerbejdžana obezbijedili oko sedam miliona KM.

Planirano je da fabrika za proizvodnju pomfrita počne sa radom sredinom iduće godine. Kapacitet je prerada 60 tona krompira dnevno ili 15.000 tona godišnje. Fabrika bi mogla zapošljavati 45 radnika. U decembru će biti položen kamen-temeljac za izgradnju fabrike metalske industrije u Skelanima u kojoj će biti zaposleno 20 radnika.



ZAVRŠNA KONFERENCIJA PROJEKTA EU PODRŠKE MALIM I SREDNJIM PREDUZEĆIMA U BIH – EUSESBI



Cilj projekta je bio poboljšanje konkurentnosti Bosne i Hercegovine unapređenjem postojeće infrastrukture za poslovanje. U okviru projekta je pripremljeno devet studija izvodljivosti koje obuhvataju konceptualna rješenja Poslovnih zona u općinama Bihać, Brčko, Istočno Novo Sarajevo, Laktaši, Ljubuški, Mostar, Novi Travnik, Orašje i Teslić, te investicione analize za Banju Luku i Bijeljino.

Općine su pokazale snažnu opredijeljenost da pripreme kvalitetne investicione projekte za lokalne zajednice.

Šef Sekcije operacija za ekonomski razvoj, prirodne resurse i infrastrukturu u Delegaciji EU u BiH Martin Schieder rekao je da se u protekle dvije godine, koliko je trajao projekt, pokazalo da postoji stvarna šansa za razvoj poslovne infrastrukture širom BiH, te da bi investiranje 40 miliona eura moglo privući do 150 investitora i otvoriti 8.000 radnih mjesta.



NOVA HENKEL CERESIT TVORNICA U BILEĆI OTVARA SE NA PROLJEĆE 2015. GODINE

Generalni direktor tvornice Henkel BiH Predrag Armuš je izjavio da su izgradnja nove tvornice u Bileći, stvaranje radnih mjesta i novih poslovnih prilika, potvrdili posvećenost Henkela dugoročnim investicijama i razvoju poslovnih aktivnosti u BiH.

Tvornica će se prostirati na površini od 6.000 m² i u prvoj fazi će se zaposliti 30 radnika, dok će indirektno taj broj biti još veći.

U tvornici će se proizvoditi građevinski praškasti proizvodi na bazi cementa za polaganje keramičkih pločica, kao i proizvodi za termoizolaciju objekata za tržišta BiH, Hrvatske, Crne Gore, Albanije i drugih zemalja.

Kompanija "Ž' Herc gradnja" je lokalni strateški partner je, a izvođač radova je domaća kompanija "Ž' Delta inženjering". Načelnik Općine Bileća Miljan Aleksić istaknuo je da će realizacija ovog projekta značajno doprinijeti oživljavanju bilečke privrede i da će dolaskom svjetskog giganta kao što je Henkel, Bileća postati važan ekonomski centar.



U SARAJEVU OTVOREN HOTEL RESIDENCE INN BY MARRIOTT



Hotel Residence Inn by Marriott, smješten u centru Sarajeva, zvanično je otvoren 25. novembra. Riječ je o prvom hotelu iz porodice Marriott hotela koji je otvoren na Balkanu.

Hotel koji donosi međunarodno priznate standarde u hotelijerskoj industriji zapošljavat će 22 radnika.

Brojne goste na otvorenju pozdravio je direktor SEIC grupacije Enes Kazazić, naglasivši da je iza projekta put od četrnaest mjeseci građevinskog i operativnog dijela radova na izgradnji hotela.

Hotel Residence Inn by Marriott, čiji je investitor i vlasnik SEIC grupacija, smješten je na Čobaniji i raspolagat će sa 75 elegantno namještenih i prostranih jednosobnih i dvosobnih apartmana sa svim pratećim sadržajima i uslugama koje će 24 sata biti dostupne hotelskim gostima.

Residence Inn by Marriott član je Marriott International, vodeće svjetske hotelijerske kompanije, koja u 74 zemlje svijeta broji više od 4.000 hotela.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a semi-transparent version of its national flag, which features a yellow triangle at the top, a blue triangle at the bottom, and a white diagonal line with seven white stars in the center.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA